

# VOORSITTERSVERSLAG 2009

## SWD TWEEKAMP

13 OKTOBER 2009



SWD BIATHLON

### IN HIERDIE UITGAVE

DCAS/  
HIGHGATE

2

OP INTER

2

ONTWIKKELING

3

SA KAMPIOEN-  
SKAPPE

3

DATUMLYS

4

FINANSIES

4

BEDANKINGS

4

### BELANGRIKE DATUMS 2010

- HIGHGATE INTER:  
6 Febr 2010
- SWD Kampioenskappe  
2 Mrt 2010
- Ontwikkelingskliniek:  
Calitzdorp 4 Nov 2009
- Ontwikkelingskliniek:  
KKVS 9-11 Febr 2010
- SA Kampioenskappe  
Bloemfontein  
3/4 Apr 2010

### TWEEKAMP SE PAD VORENTOE...

Die terugskou op SWD Tweekamp se bedrywighede die afgelope jaar dui op sekere negatiewe sowel as positiewe aspekte. Kom ons kry die negatiewe eers agter die blad.

Die afgelope jaar het nie goed begin nie deurdat nie alle skole/klubs by die AJV verteenwoordig was nie. Die sekretariesse, Lucette Peiser het bedank en so ook een van ons jarelange staatsmakers, Franse Swart. Boonop het die voorsitter, Dave van der Walt, ook sy uittrede aangekondig. Geen nominasies is gekry vir die ampie van voorsitter en sekretariesse nie en Dave van der Walt het tydelik ingestaan met Marionette Hattingh wat die sekretaris- en tesourierpos behartig het. Baie dankie, Marionette!

Ek is bekommern oor die vernuwing in die bestuur van SWD Tweekamp. Min persone kom na vore en die die ou karperde kan nie meer nie. Dit gaan ons sportsoort nadelig raak en self laat verdwyn.

SWD se medaljewenners het baie afgeneem en die seniorafdeling het drasties verklein met die gevolg dat SWD nie werklik kompeterend in die interprovinciale byeenkomste kan wees nie.

Daar sal ernstig bemark moet word onderveral die meesfer swemmatlete asook die meester baanatlete. Daar lê 'n braak veld oop onder die ontwikkelingsatlete en moet bestuur word om 'n positiewe bydra te maak.

Laat ons positief na hierdie probleme kyk!

Daar sal dus ernstig koppe bymekaar gesit word om na die toekoms van ons mooi sport te kyk. Daar sal na borge gesoek moet word wat op 'n langtermyn deel van die planne te wees—veral op die terrein van ontwikkeling.

Kom ons kyk vorentoe!

Ek stel voor 'n bosberaad met al die rolspelers word so gou moontlik gehou.



### 5 UIT SWD IN SA ONTWIKKELINGSPAN

Vier van SWD se ontwikkelingsatlete is opgeneem in die SA Ontwikkelingspan wat onder die spanbestuurskap van Rassie Erasmus [GW] aan die SA Kampioenskappe in die Paarl deelgeneem het.

Die span het uit 21 atlete van oor die hele land bestaan en goeie rekenkaps gegee. SWD se verteenwoordigers was Amré McCallum, Chandré Carolus, Bianca Arndse, Jamie le Kay en Christopher Adams. Chandré Carolus het die beste van die SWD-atlete gevaa [36e].



## DCAS/HIGHGATE INTERPROVINSIAAL SUKSES




Die tradisionele DCAS/HIGHGATE Interprovinsiale byeenkoms is weer suksesvol op Oudtshoorn aangebied die naweek van 7/8 Februarie 2009. Dit was 'n gesamentlike poging deur OP en SWD en 378 [tweekamp] en 55 [biathlo] van 7 provinsies het deelgeneem.

**HIGHGATE VOLSTRUISVERTOONPLAAS** het weer as die ankerborg opgetreeë [15de keer!] en ons bring hulde aan Alex en Arenhold Hooper vir hulle volgehoue ondersteuning oor die jare. SWD het egter 7 medaljes [2 goud, 4 silwer en 1 brons] verower.

Boland was die algehele wenner met WP tweede, OP derde en SWD in die vierde plek.



## OP INTERPROVINSIAAL PORT ELIZABETH



Die naweek van 25/26 Oktober 2008 het die SWD Tweekampsbannekomste [Meriete & Ontwikkeling] van 48 atlete na Port Elizabeth gereis vir die OP Interprovinsiale Byeenkoms waar 5 provinsies [OP, SWD, WP, Vrystaat en Griekwas] deelgeneem het. SWD eindig tweede na die OP en verower 3 goue en 1 silwer medaljes.

Dankie aan Steven en Yvonne McKay vir hulle harde werk!

## KOMPETISIES VIR SWD TWEEKAMP

- 3 Ligabyeenkomste
- 2 Proewebyeenkomste
- 2 Provinsiale byeenkomste [Highgate & OP]
- 1 Nasionale byeenkomst [SA's]

Biathlo word by al die provinsiale en nasionale byeenkomste aangebied en B-of Ontwikkelpannekome word na alle provinsiale byeenkomste gekies. Die "Doubles"-byeenkomste groot ook 'n groot rol in die ontwikkeling van tweekamp in die SWD.

Daar moet aan nuwe inisiatiewe gekyk word om die deelname getalle te verbeter. 'n

Vraelys kan uitgestuur word na skole/klubs om voorstelle aan te vra.

'n Grand Prix-stelsel kan dien as oplossing - waar 'n atleet aan die einde van die seisoen beloon word vir deelname regdeur die seisoen.

Die punt wat die atleet by elke byeenkomst behaal word kollektief versamel an die atleet wat die meeste punte kry, word aangewys as die wenner.



"Die dag dat  
jy belangriker  
word as die  
sport wat jy  
beoefen, het  
jy al klaar  
verloor"

## OP DIE ONTWIKKELINGSFRONT

Ontwikkeling op die tweekampfront het nie vanjaar die uitsette gelewer wat dit moes nie - hoofsaaklik weens befondsing van DCAS waarop SWD Tweekamp sy ontwikkelingsprogram bou. Dit het in effek beteken dat die ontwikkelingsklinieke vir Calitzdorp en die Vaardigheidskool afgestel moes word. Tot en met die skrywe van hierdie verslag is die fondse nog nie ontvang nie ten spyte van gerekende navrae.

In 2009/10 gaan daar weer gekonsentreer word op 'n driedaagse kursus by die Klein Karoo Vaardigheidskool vir leergestremdes asook 'n kliniek op Calitzdorp waar die swembad danksy fondse van DCAS, opgeknap is. Daar gaan ook pogings aangewend word vir klinieke op Riversdal en Beaufort-Wes. Ons gaan ook poog om van SA Tweekamp se Lotto-fonds geld te bekomen om individuele en belowende atlete by te staan met gespesialiseerde afrigting.

Daar gaan ook in die volgende seisoen ernstig aandag aan gestremde sport se ontwikkeling gegee word. Daar is vir spesiale fondse [TMC] aansoek gedoen om ontwikkeling van afrigters en administrateurs.

Ons grootste prioriteit gaan wees om 'n komponent vir tweekamp/biathlo te ontwikkel waar ons fisies-gestremdes ook kan akkommodeer.



Ongekende belangstelling ....Fondse?



Tydens die ontwikkelingskliniek in Oudtshoorn

## SA KAMPIOENSKAPPE 2009 PAARL

Die 34ste SA Tweekampkampioenskappe in die Paarl aangebied met Boland as die gasheerprovisie. Die spankompetisie is gewen deur die WP met Boland tweede en Gauteng-Noord in die derde plek.. SWD eindig agste en spog met twee medaljes. Die volgende SWD-atlete lever puike vertonings:

Chris van Wyk [Junior Veterane, Silwer, 2207],

Juan Pretorius [Senior Mans, Brons, 2274]

Jannie Nieuwenhuys [Veterane Mans, 4de, 2270]

Marcel Roos [Senior Mans, 4de, 2253]

Reinhard Haupt [S/11, 5de, 2180]

Mihan Roos [Junior Veterane, 5de, 2150]

Cayla le Kay [D/11, 6de, 2172]

Baie dankie aan Stephen & Yvonne McKay wat as spanbestuurders opgetreeë het - ons julle gewilligheid en passie!

Dave van der Walt is weer tot die Uitvoerende Bestuur & Keurder van SA Tweekamp verkies

## SWD TWEEKAMPSPAN 2009



Ondersteun altyd ons borge:

HIGHGATE VOLSTRUISPLAAS

DCAS

KLEIN KAROO - MOTORS

Ons is nou op die web .....

[www.swdtweekamp.co.za](http://www.swdtweekamp.co.za)

## SWD BIATHLON

Posbus 194

OUDTSHOORN

6620



Tel : [044] 2722580

Fax: [044] 2725365/2722580

Sel : 082-7734901

E.mail : davesus@mweb.co.za

### FINANSIES

Verminderde inkomste en stygende uitgawes plaas baie druk op die likwiditeit van SWD Tweekamp. Die Bestuur poog ten alle tye om dit 'n bekostigbare sport te maak. Die batige saldo wat ons tans opgebou het, dar ons elke jaar net-net deur.

[sien die aangehegde state]

### DATUMLYS 2009/10 [Voorlopig]

Datum	Byeenkoms	Tyd	plek
<b>2009</b>			
3/4 Okt	OVS Interprofsiaal		Bloemfontein
13	SWD Proewebyeenkoms SWD TEEKAMP AJV	18:00 16:00	Oudtshoorn African Sky Hotel
17	Griekwas Interprofsiaal [Elite Groep]		Upington
24/25	OP Interprofsiaal [A & B-spanne]		Port Elizabeth
4 Nov	Ontwikkelingskliniek	16:00	Calitzdorp
<b>2010</b>			
13 Jan	SKOLE OPEN		
14 19	SWD Proewebyeenkoms Oudtshoorn 26 SWD "Doubles"-byeenkoms Oudtshoorn	17:00 18:00	
06 Febr	HIGHGATE INTER TEEKAMP	07:00	Oudtshoorn
07	HIGHGATE INTER BIATHLO	08:00	Oudtshoorn
9-11	Ontwikkelingskliniek [Gestremd]	14:00	Klein Karoo
16	SWD Liga 1 [Ontwikkelingskliniek]	18:00 16:00	George George
23	SWD Liga 2	18:00	Oudtshoorn
1	[Ontwikkelingskliniek]	16:00	Bridgtion
02 Mrt	SWD Kampioenskappe Oudtshoorn	18:00	
03 Apr	SA TEEKAMPKAMPIOENSKAPPE		Bloemfontein
04	SA BIATHLO KAMPIOENSKAPPE		Bloemfontein

### BEDANKINGS

Graag wil ek van hierdie geleentheid gebruik maak om net die volgende persone en instansies te bedank:

- Alle ouers, onderwysers, afrigters, borge en belangstellendes wat dit vir SWDTV moontlik maak om te vorder;
- Aan my SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan ons jarelange borge en vriende, Alex & Arenhold Hooper van HIGHGATE VOLSTRUIS-VERTOONPLAAS ;
- Mnr George Botha van KLEIN KAROO, vir die borgskap van die waentje;
- Die Departement van Kultuursake en Sport van die Wes-Kaap, en in die besonder die plaaslike SWD-kantoor [Jean Neethling en Dirk v d Westhuizen] vir finansiële en fisiese bystand;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn en ander instansies vir die beskikbaarstelling van hulle fasilitete en geriewe;
- Aan my gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.

Dave van der Walt

Voorsitter

